

Izgradnja objekata privremenog karaktera koji su u funkciji otvorenih pijačnih prostora vrši se na način propisan Zakonom o prostornom uređenju, izdavanjem urbanističke saglasnosti, odobrenja za građenje i odobrenja za upotrebu objekata od strane nadležnog kantonalnog organa.

Član 17.

Nadzor nad provođenjem ove odluke vršit će načelnik Općine i o tome će povremeno informisati Prelazno općinsko vijeće Općine Ilijaš.

Član 18.

Na korisnike koji bespravno postavljaju objekte privremenog karaktera, na području općine Ilijaš, primijenit će se kaznene odredbe utvrđene Zakonom o prostornom uređenju za takve slučajeve.

Član 19.

Obavezuju se nadležni organi uprave Općine Ilijaš da u roku od 15 (petnaest) dana od dana donošenja ove odluke usklade svoj rad i propise sa odredbama ove odluke.

Član 20.

Obavezuje se Sekretarijat za urbanizam, građevinarstvo i stambeno-komunalne poslove Općine Ilijaš da u roku od 15 (petnaest) dana od dana donošenja ove odluke snimi stanje objekata privremenog karaktera na području općine Ilijaš, te da protiv svih bespravnih korisnika podnese odgovarajuću prijavu nadležnoj građevinsko-urbanističkoj inspekciji radi njihovog uklanjanja.

Član 21.

Rješenja o odobrenju lociranja objekata privremenog karaktera koja su do sada izdata, a koja su u suprotnosti sa Elaboratom, ostaju na snazi do roka utvrđenog u rješenju, ali ne duže od jedne godine dana od dana stupanja na snagu ove odluke.

Sekretarijat za urbanizam, građevinarstvo i stambeno-komunalne poslove Općine Ilijaš obavezan je izvršiti reviziju svih izdatih rješenja o lociranju objekata privremenog karaktera i njihovo usklađivanje sa odredbama ove odluke.

Član 22.

Komunalna naknada za zauzimanje javnih površina plaća se u skladu sa Odlukom o komunalnim taksama ("Službene novine grada Sarajeva", broj 1/96).

Iznos zakupnine za objekte privremenog karaktera regulisan je Odlukom o građevinskom zemljištu ("Službene novine grada Sarajeva", br. 25/87, 11/88, 18/89, 17/90 i 21/90).

Član 23.

Ova odluka primjenjivat će se privremeno i do donošenja odgovarajućih propisa na nivou Kantona Sarajevo.

Član 24.

Ovom odlukom stavlja se van snage Odluka o zauzimanju javnih površina na području općine Ilijaš broj 01-023-9/96 od 2. 7. 1996. godine ("Službene novine Kantona Sarajevo", broj 4/96) od 26. 7. 1996. godine.

Član 25.

Ova odluka stupa na snagu danom usvajanja, a bit će objavljena u "Službenim novinama Kantona Sarajevo".

Broj 012-II-58/96  
13. decembra 1996. godine  
Ilijaš  
Prelaznog općinskog vijeća,  
dipl. pravnik **Sefedin Suljević**, s. r.

Na osnovu člana 6. Statutarne odluke o organizaciji Općine Ilijaš u skladu sa Ustavom Federacije BiH ("Službene novine grada Sarajeva", broj 2/96) i člana 8. tačka 6. Odluke o izradi urbanističkog projekta "Tvornica boja i lakova Megati" i čl. 49. i 50. Poslovnika o radu Općinskog prelaznog vijeća - Ilijaš, a nakon provedene rasprave o prijedlogu urbanističkog projekta "Tvornica boja i lakova Megati", Prelazno općinsko vijeće Ilijaš, na svojoj 12 - sjednici održanoj 11. decembra 1996. godine, donijelo je

**ODLUKU**

**O URBANISTIČKOM PROJEKTU "TVORNICA BOJA I LAKOVA MEGATI"**

Član 1.

Usvaja se Odluka o urbanističkom projektu "Tvornica boja i lakova Megati".

Član 2.

Ovu odluku objaviti u "Službenim novinama Kantona Sarajevo".

Broj 012-II-57/96  
12. decembra 1996. godine  
Ilijaš  
Predsjednik  
Prelaznog općinskog vijeća,  
dipl. pravnik **Sefedin Suljević**, s. r.

Na osnovu čl. 25. i 28. Zakona o osnovnoj školi ("Službeni list RBiH", br. 39/90, 3/93 i 24/93) i člana 6. Statutarne odluke o organizovanju Općine Ilijaš u skladu sa Ustavom Federacije Bosne i Hercegovine, člana 49. Poslovnika o radu Općinskog vijeća Ilijaš ("Službene novine Kantona Sarajevo", broj 2/96), Prelazno općinsko vijeće, na sjednici održanoj 19. novembra 1996. godine, donijelo je

**ODLUKU**

**O POČETKU I ZAVRŠETKU NASTAVE I TRAJANJU ZIMSKOG ODMORA U ŠKOLSKOJ 1996/97. GODINI U OSNOVNOJ ŠKOLI ZA UČENIKE OD V - VIII RAZREDA NA PODRUČJU OPĆINE ILIJAŠ**

Član 1.

Redovna nastava u prvom polugodištu školske 1996/97. godine u OŠ "Hašim Spahić" Ilijaš počinje 28. 10. 1996. godine.

Član 2.

Zimski odmor školske 1996/97. godine traje od 25. 1. do 31. 1. 1997. godine.

Član 3.

Redovna nastava u drugom polugodištu počinje 3. 2. 1997. godine, za završava se 13. 6. 1997. godine.

Član 4.

U toku školske 1996/97. godine redovna nastava će se održavati i subotom za učenike od V do VIII razreda sve do 7. 6. 1997. godine.

Član 5.

U roku školske godine nastava se izuzetno može prekinuti u slučaju naročito opravdanih razloga (bezbjednosna situacija, elementarne nepogode, epidemije i sl.), po odluci načelnika Općine Ilijaš.

Član 6.

Za sprovođenje ove odluke nadležan je Sekretarijat za privredu, finansije i društvene djelatnosti.

Član 7.

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-II-023-38/96  
20. novembra 1996. godine  
Ilijaš  
Predsjednik  
Prelaznog općinskog vijeća,  
dipl. pravnik **Sefedin Suljević**, s. r.

Na osnovu člana 54. Poslovnika o radu Općinskog prelaznog vijeća Ilijaš, Općinsko prelazno vijeće, na sjednici održanoj 11. decembra 1996. godine razmatralo ideju o obilježavanju značajnih datuma iz ovog rata i utvrđivanju priznanja (odlikovanja) i pohvala, te donijelo